

ქ. თბილისის მუნიციპალიტეტის კრწანისის რაიონის გამგეობა



გამარტივებული ელექტრონული ტენდერის საშუალებით, ქ. თბილისის მუნიციპალიტეტის კრწანისის რაიონის ტერიტორიაზე - საინჟინრო მომსახურების (დეფექტური აქტების და საპროექტო დოკუმენტაციის შედგენა-დამუშავების) სახელმწიფო შესყიდვის
ს ა ტ ე ნ დ ე რ ო დ ო კ უ მ ე ნ ტ ა ც ი ა

კლასიფიკატორის (CPV) კოდი № 71300000

ქ. თბილისი
 2016 წელი

ს ა რ ზ ე ვ ი

1. ინფორმაცია ტენდერში მონაწილეთათვის -----	3
2. ტექნიკური დოკუმენტაცია -----	4
3. სახელმწიფო შესყიდვის შესახებ ხელშეკრულების პროექტი -----	7
4. რეკვიზიტები (დანართი N1) -----	11
5. ხარჯთარრიცხვა (დანართი N2) -----	12
6. ინფორმაცია ანალოგიური სამუშაოების მიწოდების თაობაზე (დანართი N3) -----	13

1. ინფორმაცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდამსმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. სატენდერო დოკუმენტაციაში განსაზღვრულ შესასყიდ საქონელზე, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“ ან „ეკვივალენტური“.

1.7. კონკრეტული შესყიდვის თავისებურებიდან გამომდინარე, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20% - ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის სატენდერო კომისია შესაძლებლად მიიჩნევს, არ მოითხოვოს ფასწარმოქმნის ადეკვატურობის დასაბუთება, თანახმად „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-9 მუხლის 1¹ პუნქტისა. ვინაიდან აღნიშნული შესყიდვის ობიექტი წარმოადგენს ინტელექტუალურ მომსახურებას, ხოლო ინტელექტუალური მომსახურების დანახარჯებს ძირითადად წარმოადგენს ადამიანური რესურსის შრომითი გასამრჯელო, მიმწოდებელს აქვს შესაძლებლობა აღნიშნული ინტელექტუალური მომსახურება განახორციელოს საბაზრო ღირებულებასთან შედარებით დაბალ ფასად.

შენიშვნა:

სატენდერო დოკუმენტაციის მოთხოვნებთან შესაბამისობის დადასტურების მიზნით, უცხოური საწარმოს/უცხოური საწარმოს ფილიალის/წარმომადგენლობის მიერ სახელმწიფო შესყიდვების ერთიან ელექტრონულ სისტემაში წარმოგენილ, უცხო ქვეყანაში შედგენილ დოკუმენტზე ხელმოწერები დამოწმებული უნდა იყოს ნოტარიუსის ან შესაბამისი საჯარო სამართლებრივი უფლებამოსილების მქონე პირის მიერ, ხოლო ამ უკანასკნელის ხელმოწერა - ლეგალიზებული ან აპოსტილით დამოწმებული

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, კრწანისის რაიონის გამგეობა, ვ. გორგასლის ქ. N73, სატენდერო კომისიის აპარატის წევრი - შალვა გათიკაშვილი. ტელ: 599 488 500; გიორგი მერლანი ტელ: 591 10 00 15;

2. ტექნიკური დოკუმენტაცია

2.1. შესყიდვის ობიექტის აღწერა.

2.1.1 ქ. თბილისის მუნიციპალიტეტის კრწანისის რაიონის ტერიტორიაზე ა/ბეტონის საფარის და ქვაფენილების მოწყობა შეკეთების სამუშაოებისთვის (საჭიროების შემთხვევაში სანიაღვრე სისტემის და საყრდენი კედლის კონსტრუქციული ნახაზების გათვალისწინებით) დევექტური აქტების (საჭიროების შემთხვევაში ხარჯთაღრიცხვით) შედგენა, ასევე საჭიროების შემთხვევაში ტოპო გეოდეზიური აზომვითი ნახაზებით, გრძივი და განივი პროფილებით. სრული საპროექტო დოკუმენტაციის წარმოდგენა უნდა მოხდეს ელექტრონული ვერსიის (PDF ფორმატში) და ნაბეჭდი სახით 4 ეგზემპლიარად.

2.1.2 ქ. თბილისის მუნიციპალიტეტის კრწანისის რაიონის ტერიტორიაზე წყალ-კანალიზაციის, სანიაღვრე და სადრენაჟე ქსელების მოწყობა-რეაბილიტაციის სამუშაოების საპროექტო დოკუმენტაციის შედგენა.

საპროექტო დოკუმენტაციის შემადგენლობა-პროექტი უნდა შეიცავდეს:

- განმარტებითი ბარათი;
- ობიექტის სიტუაციური გეგმა;
- საპროექტო ობიექტის ფოტო მასალა არსებული მდგომარეობით;
- გენ. გეგმა 1: 500 მასშტაბით;
- ქსელის გრძივი პროფილი;
- სამუშაოთა მოცულობების, გამოსაყენებელი მასალების ზუსტი არწერა და შესაბამისი უწყისების შედგენა;
- ქსელის(საჭიროების შემთხვევაში) და ჭის კონსტრუქცია;
- არსებული ნორმების საფუძველზე რესურსული მეთოდით ხარჯთაღრიცხვის შედგენა მიმდინარე საბაზრო ფასებით;
- არსებული მიწიქვეშაო კომუნიკაციების (წყალსადენი, კანალიზაცია, გაზსადენი, მაღალი ძაბვის კაბელები, კავშირგაბმულობის ქსელები და ა.შ.) მდგომარეობის შესწავლა, ინსტრუმენტალური კვლევა მოძიება დატანა სიტუაციურ გეგმაზე და შეთანხმება შესაბამის სამსახურებთან (საჭიროების შემთხვევაში), ქსელის მოწყობის დროს არსებული კომუნიკაციების კვეთისას საჭიროების შემთხვევაში პროექტში გათვალისწინებული იქნეს არსებული მიწიქვეშაო კომუნიკაციების გადატანა;
- სამშენებლო სამუშაოების წარმოების დროს გათვალისწინებულ უნდა იქნას საავტორო ზედამხედველობა სამუშაოების მიმდინარეობის მთელი პერიოდის განმავლობაში;
- სრული საპროექტო დოკუმენტაციის წარმოდგენა უნდა მოხდეს ელექტრონული ვერსიის (DVG და PDF ფორმატში) და ნაბეჭდი სახით 4 ეგზემპლიარად;

2.1.3 ქ. თბილისის მუნიციპალიტეტის კრწანისის რაიონის ტერიტორიაზე საინჟინრო ნაგებობების (საყრდენი კედლები, კიბეები და ა.შ) მოწყობის და რეაბილიტაციის სამუშაოების დევექტური აქტების და საპროექტო დოკუმენტაციის შედგენა;

საპროექტო დოკუმენტაციის შედგენა ითვალისწინებს:

- საინჟინრო ნაგებობების მოწყობის ან რეაბილიტაციის აუცილებლობის გამომწვევი მიზეზების ანალიზს და ჩასატარებელი ღონისძიებების აღწერას.
- სამშენებლო უბანზე მდებარე (გამავალი) კომუნიკაციების ტოპო გეგმაზე დატანას და საპროექტო გადაწყვეტების შეთანხმებას შესაბამის ორგანიზაციებთან (საჭიროების შემთხვევაში);
- სამუშაოთა მოცულობების გამოსაყენებელი მასალების ზუსტ აღწერას და შესაბამისი უწყისების შედგენას;
- მუშა ნახაზების (მათ შორის: გეგმები, პროფილები, კვანძები, ჭრილები) მომზადება;

- არსებული ნორმების საფუძველზე რესურსული მეთოდით ხარჯთაღრიცხვის შედგენა მიმდინარე საბაზრო ფასებით;
- სრული საპროექტო დოკუმენტაციის (მათ შორის „მშენებლობის ორგანიზაციის პროექტის“, სამუშაოთა წარმოების გრაფიკის) წარმოდგენას ელექტრონული ვერსიის (DVG და PDF ფორმატში) და ნაბეჭდი სახით 4 ეგზემპლიარად;
- სამშენებლო სამუშაოების წარმოების დროს გათვალისწინებული უნდა იქნას საავტორო ზედამხედველობა. საჭიროების შემთხვევაში შემსყიდველის მოთხოვნით უნდა ჩატარდეს რელიეფის საინჟინრო გეოლოგიური კვლევა;
- აღმოჩენილი დეფექტების აღმოფხვრის მართლზომიერად განხორციელების მიზნით ადგილობრივ მოსახლეობასთან ურთიერთობა, ინფორმაციის მოპოვება და მათთან მიზნობრივი კოორდინირება;

2.1.4 ქ. თბილისის მუნიციპალიტეტის კრწანისის რაიონის ტერიტორიაზე წინმსწრებ-დამზღვევი ღონისძიებების და ავარიული შენობა ნაგებობების დემონტაჟის სამუშაოების დეფექტური აქტების და საპროექტო დოკუმენტაციის შედგენა (საჭიროების შემთხვევაში ტექნიკური დოკუმენტაცია შეთანხმებული უნდა იქნეს ქ. თბილისის მერიის არქიტექტურის სამსახურთან).

ტექნიკური დოკუმენტაციის შედგენა ითვალისწინებს:

- წინმსწრებ-დამზღვევი ღონისძიებების და ავარიული შენობა ნაგებობების დემონტაჟის აუცილებლობის გამომწვევი მიზეზების ანალიზს და ჩასატარებელი ღონისძიებების აღწერას.
- საპროექტო გადაწყვეტების შეთანხმებას შესაბამის ორგანიზაციებთან (საჭიროების შემთხვევაში);
- სამუშაოთა მოცულობების გამოსაყენებელი მასალების აღწერას და შესაბამისი უწყისების შედგენას;
- მუშა ნახაზების (მათ შორის გეგმები, პროფილები, კვანძები, ჭრილები) მომზადება;
- არსებული ნორმების საფუძველზე რესურსული მეთოდით ხარჯთაღრიცხვის შედგენა მიმდინარე საბაზრო ფასებით;
- სრული საპროექტო დოკუმენტაციის (მათ შორის „მშენებლობის ორგანიზაციის პროექტის“, სამუშაოთა წარმოების გრაფიკის) წარმოდგენას ელექტრონული ვერსიის (DVG და PDF ფორმატში) და ნაბეჭდი სახით 4 ეგზემპლიარად;
- სამშენებლო სამუშაოების წარმოების დროს გათვალისწინებული უნდა იქნას საავტორო ზედამხედველობა. აღმოჩენილი დეფექტების აღმოფხვრის მართლზომიერად განხორციელების მიზნით ადგილობრივ მოსახლეობასთან ურთიერთობა, ინფორმაციის მოპოვება და მათთან მიზნობრივი კოორდინირება;

შენიშვნა: კულტურული მემკვიდრეობის უძრავ ძეგლზე წინმსწრებ-დამზღვევი ღონისძიებების შემთხვევაში ტექნიკური დოკუმენტაციის შედგენის დროს მიმწოდებელმა **დამატებით** უნდა წარმოადგინოს:

- ა) კულტურული მემკვიდრეობის ძეგლის არქიტექტურული პროექტი;
- ბ) კულტურული მემკვიდრეობის ძეგლის ისტორიულ-არქიტექტურული კვლევა;
- გ) აქსონომეტრიული ხედები;

2.1.5 ქ. თბილისის მუნიციპალიტეტის კრწანისის რაიონის ტერიტორიაზე ობიექტების საინჟინრო გეოლოგიური კვლევა 10 (ათი) ადგილი.

2.1.6 ქ. თბილისის მუნიციპალიტეტის კრწანისის რაიონის ტერიტორიაზე საინჟინრო ნაგებობების ფოტო მონტაჟი 3 (სამი) ცალი.

2.1.7 ქ. თბილისის მუნიციპალიტეტის კრწანისის რაიონის ტერიტორიაზე ობიექტების ჰიდრო გეოლოგიური კვლევა.

შენიშვნა: 1) ხართაღრიცხვის (დანართი N2) 1, 2 და მე-3 პუნქტის გათვალისწინებული სამუშაოების ანაზრაურება მოხდება ქ. თბილისის მუნიციპალიტეტის მერიის ა(ა)იპ თბილისის მუნიციპალური ლაბორატორიიდან წარმოდგენილი დადებითი დასკვნის შემდგომ.

2) არქიტექტურის სამსახურთან შეთანხმების ვადა არ უნდა იქნას გათვალისწინებული ხელშეკრულებით პროექტის მიწოდების ვადაში.

2.2. შესყიდვის ობიექტის მიწოდების პირობები და ვადები:

2.2.1. შესყიდვის ობიექტის მიწოდების საბოლოო ვადაა 2017 წლის 25 დეკემბერი.

2.2.2 საპროექტო გადაწყვეტილებები მიმწოდებელმა უნდა მიიღოს შემსყიდველთან და საექსპლოატაციო ორგანიზაციასთან შეთანხმებით.

2.2.3. შესყიდვის ობიექტის მიწოდების ადგილია: ქ.თბილისი, გორგასლისქ. N73.

2.3 . მოთხოვნები პრეტენდენტის გამოცდილების შესახებ

პრეტენდენტს 2015-2016 წლებში უნდა გააჩნდეს ანალოგიური 100 000 ლარის მომსახურების შესრულების გამოცდილება (დანართი N3), რაზეც წარმოდგენილი უნდა იქნეს შესაბამისი ხელშეკრულებების და მიღება ჩაბარებების აქტის ასლები. SPA/NAT ნომრების მითითების შემთხვევაში დოკუმენტაციის ატვირთვა სავალდებულო აღარ არის.

2.4. პრეტენდენტის მიერ სისტემაში ასატვირთი დოკუმენტების ჩამონათვალი:

- ა) რეკვიზიტები და სატენდერო წინადადების ფასი (დანართი N1);
- ბ) ხარჯთაღრიცხვა (დანართი N2).
- გ) ინფორმაცია პრეტენდენტის გამოცდილების შესახებ (დანართი N3);

- პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას რომელიც აღწერილია სატენდერო დოკუმენტაციაში. განსხვავებული შეთავაზება პრეტენდენტის მიერ წარმოდგენილი უნდა იქნას სატენდერო წინადადების სისტემაში ატვირთვის დროს. ამასთანავე, განსხვავებული შეთავაზება არ უნდა აუარესებდეს შემსყიდველის პირობებს.

3. სახელმწიფო შესყიდვის შესახებ ხელშეკრულების პროექტი N

(წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში)

ქ. თბილისი

----- 2017 წელი

ერთის მხრივ ქ. თბილისის მუნიციპალიტეტის კრწანისის რაიონის გამგეობა (შემდგომში „შემსყიდველი“), წარმოდგენილი მისი გამგებელი ----- სახით და მეორეს მხრივ, „-----“ (შემდგომში „მიმწოდებელი“) (ს/ნ -----) წარმოდგენილი მისი დირექტორის ----- სახით, სახელმწიფო შესყიდვების კანონის და პრეტენდენტის სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

შემსყიდველმა ჩაატარა გამარტივებული ელექტრონული ტენდერი (NAT-----) ქ. თბილისის მუნიციპალიტეტის კრწანისის რაიონის ტერიტორიაზე - საინჟინრო მომსახურების (დეფექტური აქტების და საპროექტო დოკუმენტაციის შედგენა-დამუშავების) სახელმწიფო შესყიდვაზე, (კლასიფიკატორის (CPV) კოდი № 71300000), რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება გაუწიოს მომსახურება შემსყიდველს;

ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

ა) წინამდებარე ხელშეკრულება;

ბ) პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი;

1. ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3. „დღე“, „კვირა“, „თვე“ – კალენდარული დღე, კვირა, თვე;

1.4. „შემსყიდველი“ – ორგანიზაცია, რომელიც ახორციელებს შესყიდვას;

1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

2.1. ხელშეკრულების საგანია: ქ. თბილისის მუნიციპალიტეტის კრწანისის რაიონის ტერიტორიაზე - საინჟინრო მომსახურების (დეფექტური აქტების და საპროექტო დოკუმენტაციის შედგენა-დამუშავების) სახელმწიფო შესყიდვა. (CPV 71300000).

2.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში და ხელშეკრულების დანართ N1-ში, რომელიც წარმოადგენს მის განუყოფელ ნაწილს.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს ----- ლარს.

3.2. ხელშეკრულების საერთო ღირებულება მოიცავს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

4. შესყიდვის ობიექტის მიწოდების ვადები, ადგილი და პირობები

4.1. შესყიდვის ობიექტის მიწოდების საბოლოო ვადაა 2017 წლის 25 დეკემბერი.

4.2. შესყიდვის ობიექტის მიწოდების ადგილია: ქ. თბილისი, კრწანისის რაიონის გამგეობა (გორგასლის ქ. N73).

4.3. შესყიდვის ობიექტი მიწოდებულად ითვლება ორმხრივ ხელმოწერილი მიღება-ჩაბარების აქტის გაფორმების შემდეგ.

5. ხელშეკრულების მოქმედების ვადა

5.1. ხელშეკრულება ძალაშია მისი ხელმოწერის დღიდან და მოქმედებს 2018 წლის ----- ჩათვლით.

6. შესყიდვის ობიექტის მიღება-ჩაბარების წესი

6.1. შემსყიდველის მიერ ხელშეკრულების ობიექტის (ნაწილის) მიღება ფორმდება მიღება-ჩაბარების აქტით, (ფორმა 2-ის საფუძველზე, რომელიც (საჭიროების შემთხვევაში) შეთანხმებული უნდა იქნას თბილისის მერიის არქიტექტურის სამსახურთან შემსყიდველის და მიმწოდებლის უფლებამოსილი წარმომადგენლების ხელმოწერით. ხელშეკრულების დანართი № 1-ის 1, 2 და მე-3 პუნქტის გათვალისწინებული სამუშაოების ანაზღაურება მოხდება ქ. თბილისის მუნიციპალიტეტის მერიის ა(ა)იპ თბილისის მუნიციპალური ლაბორატორიიდან წარმოდგენილი დადებითი დასკვნის შემდგომ. არქიტექტურის სამსახურთან შეთანხმების ვადა არ უნდა იქნას გათვალისწინებული ხელშეკრულებით პროექტის მიწოდების ვადაში.

6.2. თუ შესყიდვის ობიექტი არ აკმაყოფილებს შემსყიდველის მოთხოვნებს, იგი უფლებამოსილია საგარანტიო პერიოდში მოითხოვოს არსებული ხარვეზების გამოსწორება. ხარვეზების გამოსწორებამდე შემსყიდველი უფლებამოსილია უარი თქვას ხელშეკრულებით გათვალისწინებული სანაცვლო ვალდებულებების შესრულებაზე, რის შესახებაც მიმწოდებელს ეცნობება წერილობით.

6.3. გამოვლენილი დეფექტის ან ნაკლის აღმოფხვრასთან დაკავშირებული ხარჯების, ასევე მესამე პირის დაზიანებული საქონლის ღირებულების ანაზღაურება ეკისრება „მიმწოდებელს“.

6.4. მიღება-ჩაბარების აქტის გაფორმებასთან ერთად შემსყიდველს წარედგინება ანგარიშსწორებისათვის საჭირო ყველა სხვა დოკუმენტი.

7. შესყიდვის ობიექტის ხარისხი და გარანტია

7.1. „მიმწოდებელი“ იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

7.2. შესყიდვის ობიექტს არ უნდა გააჩნდეს უფლებრივი ან/და ნივთობრივი ნაკლი, რომელიც აუარესებს მისი გამოყენების მაჩვენებელს.

7.3. „შემსყიდველი“ ვალდებულია წერილობითი ფორმით დაუყოვნებლივ აცნობოს „მიმწოდებელს“ ნაკლის აღმოჩენის შესახებ.

7.4. შეტყობინების მიღების შემდეგ „მიმწოდებელი“ ვალდებულია შემსყიდველის მიერ მითითებულ ვადაში აღმოფხვრას არსებული დეფექტები საკუთარი ხარჯით. „მიმწოდებელს“ დაეკისრება, როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისათვის მიყენებული ზიანის ანაზღაურება.

7.5. თუ „მიმწოდებელი“ ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

8. ანგარიშსწორების ფორმა, გრაფიკი (ვადები) და ადგილი

8.1. „მიმწოდებელთან“ ანგარიშსწორება განხორციელდება ლარში;

8.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

8.3. წინასწარი ანგარიშსწორება გათვალისწინებული არ არის.

8.4. ანგარიშსწორება „შემსყიდველის“ მიერ მოხდება შესყიდვის ობიექტის მიწოდებისა და წინამდებარე ხელშეკრულების 6.1. და 6.4 მუხლებში მითითებული დოკუმენტაციის წარმოდგენის შემდეგ არაუმეტეს 10 (ათი) საბანკო დღის ვადაში.

8.5. იმ შემთხვევაში თუ „მიმწოდებელი“ დაარღვევს შესყიდვის ობიექტის მიწოდების ვადებს, ან სხვა გარემოებების გათვალისწინებით დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

8.6. ანაზღაურების ადგილია ქ. თბილისის მუნიციპალიტეტის კრწანისის რაიონის გამგეობა.

9. მხარეთა უფლება-მოვალეობანი

9.1. „შემსყიდველი“ ვალდებულია:

- გადასცეს მიმწოდებელს ინფორმაცია შესყიდვის ობიექტის მიწოდებასთან დაკავშირებული ყველა არსებითი გარემოების შესახებ;

- მიღება-ჩაბარების აქტის გაფორმებიდან 60 დღის ვადის გასვლის შემდეგ მისი დაუფინანსებლობის შემთხვევაში აუნაზღაუროს „მიმწოდებელს“ ის შესაძლო საჯარიმო სანქციები, რაც დაერიცხება მას არსებული საგადასახადო კანონმდებლობის თანახმად.

9.2. „შესყიდველს“ უფლება აქვს:

- განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

- საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

9.3 „მიმწოდებელი“ ვალდებულია:

- დაიცვას ხელშეკრულებით გათვალისწინებული ყველა პირობა;

- დააკმაყოფილოს „შემსყიდველის“ მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით;

9.4 „მიმწოდებელს“ უფლება აქვს:

- მოთხოვოს „შემსყიდველს“ გაწეული მომსახურების შუალედური და საბოლოო ანაზღაურება ხელშეკრულებით გათვალისწინებული პირობებით.

10. მხარეთა პასუხისმგებლობა ხელშეკრულების დარღვევისას

10.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

10.2. ხელშეკრულებით განსაზღვრული ვადების დარღვევის შემთხვევაში ყოველი დაგვიანებული დღისათვის დამრღვევ მხარეს ეკისრება პირგასამტეხლო ხელშეკრულების საერთო ღირებულების 0,02%-ს ოდენობით. იმ შემთხვევაში, თუ „მიმწოდებლის“ მიერ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 3%-ს, „შემსყიდველს“ უფლება აქვს შეწყვიტოს ხელშეკრულება.

10.3. შემსყიდველი უფლებამოსილია შეწყვიტოს ხელშეკრულება ნაკისრი ვალდებულებების შეუსრულებლობის შემთხვევაში. აღნიშნულ შემთხვევაში, „მიმწოდებელს“ ეკისრება პირგასამტეხლოს გადახდა ხელშეკრულების საერთო ღირებულების 5%-ს ოდენობით;

10.4. თუ შესრულებული სამუშაოს ხარისხი არ შეესაბამება მოთხოვნას, „მიმწოდებელი“ ვალდებულია უსასყიდლოდ მოახდინოს ნაკლის გამოსწორება 7..2. და 7.3. პუნქტებით გათვალისწინებული წესით. თუ იგივე ფაქტი განმეორდება, „მიმწოდებელს“ ნაკლის გამოსწორებასთან ერთად ეკისრება ჯარიმა ხელშეკრულების საერთო ღირებულების 0,5%-ს ოდენობით. მესამედ იგივე შემთხვევა იწვევს „მიმწოდებლის“ დაჯარიმებას ხელშეკრულების საერთო ღირებულების 2%-ს ოდენობით და „შემსყიდველს“ უფლება აქვს შეწყვიტოს ხელშეკრულება და უარი განაცხადოს სანაცვლო ვალდებულებების შესრულებაზე.

11. ხელშეკრულების პირობების გადასინჯვის შესაძლებლობა

11.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების საერთო ღირებულების 10%-ზე მეტი ოდენობის გაზრდა;

11.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

13. ფორს-მაჟორი

13.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

13.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების პირობების შესრულების კონტროლი

15.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია მიწოდებული შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

15.2. ხელშეკრულების პირობების შესრულების კონტროლს შემსყიდველის მხრიდან განახორციელებენ შემსყიდველის უფლებამოსილი წარმომადგენლები, (დანართი N1)-ის 1, 2 და მე-3 პუნქტით გათვალისწინებული სამუშაოებს ქ. თბილისის მუნიციპალიტეტის მერიის ა(ა)იპ თბილისის მუნიციპალური ლაბორატორია (გარდა გამოწვევების შემთხვევებისა) ხოლო დანართი N1-ის მე-4 პუნქტით გათვალისწინებულ მომსახურებას ქ. თბილისის მერიის არქიტექტურის სამსახური (გარდა გამოწვევების შემთხვევებისა).

15.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

15.4. გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

16. სხვა პირობები

16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

16.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16.5. ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

16.6. მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

16.7. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

17. მხარეთა იურიდიული მისამართები და რეკვიზიტები

1. რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელის სახელი და გვარი, თანამდებობა:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშის ნომერი:

1. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

----- ბ.ა
(ხელმოწერა)

**გასაწევი მომსახურების
ხარჯთაღრიცხვა**

გასაწევი მომსახურების დასახელება	განზომილების ერთ.	შესასრულებელი სამუშაოების მოცულობა	ერთეულის ფასი (ლარი)	მომსახურების ღირებულება სულ (ლარი)
ქ. თბილისის კრწანისის რაიონის ტერიტორიაზე გზის საფარის მოწყობა-შეკეთება				
ა) ასფალტის საფარის მოწყობა-შეკეთება	კვ.მ	40000		
ბ) ქვანაგებობების მოწყობა - შეკეთება	კვ.მ	3000		
წყალ-კანალიზაციის, სანიაღვრე და სადრენაჟე ქსელების მოწყობის და რეაბილიტაციის სამუშაოები	გრძ.მ	300		
საინჟინრო ნაგებობების (საყრდენი კედლები, კიბეები და ა.შ) აღდგენის და ახლის მოწყობის სამუშაოები	ლარი	100000		
წინმსწრე-დამზღვევი ღონისძიებების და ავარიული შენობა-ნაგებობების დემონტაჟის სამუშაოები	ლარი	50000		
საინჟინრო-გეოლოგიური კვლევა	ცალი	7		
საინჟინრო-ნაგებობების ფოტომონტაჟი	ცალი	3		
ჰიდრო-გეოლოგიური კვლევა	ცალი	3		
სულ				
დღგ 18%				
ჯამი				

ხელმოწერა-----ბ.ა.

ი ნ ფ ო რ მ ა ც ი ა

2015 და 2016 წლების განმავლობაში განხორციელებული ანალოგიური მომსახურების გაწევის თაობაზე

#	შემსყიდველის დასახელება	ხელშეკრულების გაფორმების ნომერი და თარიღი(SPA,/NAT)	მომსახურების შესრულების დრო (წელი)	შესრულებული მომსახურების ღირებულება (ლარებში)
1				
2				
3				
4				
5				
სულ:				

პრეტენდენტს უნდა ქონდეს 2015-2016 წლებში არანაკლებ 100 000 (ასი ათასი) ლარის ანალოგიური სამუშაოების შესრულების გამოცდილება. აღნიშნული ინფორმაცია მოცემული უნდა იყოს წინამდებარე ცხრილში, რომელიც შესაბამის დამადასტურებელ დოკუმენტაციასთან (ხელშეკრულებები და მიღება-ჩაბარების აქტები) ერთად ატვირთული უნდა იქნას ერთიან ელექტრონულ სისტემაში. SPA/NAT ნომრების მითითების შემთხვევაში დოკუმენტაციის ატვირთვა სავალდებულო აღარ არის.

ხელმოწერა-----ბ.ა.